

Sprochminderhaitn 2026: paitrogn ver de naiekaitn ont hilf en de nochrichn en sproch

Haier aa de Provinzajunta hòt u'ganommen de mossnemmen ver de projekt ver de sprochminderhitn. S barn kemmen zuazolt en sècks projekt as hom der zil za schitzn ont za gem bèrt en de kultur ont en de sproch. Pet an òndra mossnem, de Junta hòt u'ganommen aa der programm ver de informazion en de sprochen mimder kennt.

Der President hòt unterstraicht der bèrt van doi projekt. Turch s zuagèlt ver de naiaòrbetn ont projekt vourstellt van dinstn ont van schualn ont turch en unterstützn ver de nochrichn en de minderhait sproch - hòt er tsòck - men bill vourtrong ont gem kròft en prauch van ladin, van bersntolerisch ont van lusernersich ont gem de meglechkait za kennen ont learnen de sproch van doin

gamao'schòftn. Der paitrog ver de doin projekt bart kostet en de provinz ungefer 72.000 euro. Ver de inser gamao'schòft barn kemmen zuazolt der projekt "Summer club 2026" van Bersntoler Kulturinstitut, gamòcht ver de kinder va de earsteschual. S barn kemmen organisiart zeichen trèffen en agest ont de kinder barn hom de meglechket za spiln, za learnen s bersntolerisch ont za klòffen pet auskennlait va mearersprochkait. Ont dør barn sa aa gea' za pasuachen an òndra gamao'schòft va sproch minder kennt. An ònder projekt gamòcht va ont ver de inser gamao'schòft ist der sèll van Schualinstitut Pergine 1 "S Bersntol: biar ont de òndern", as hòt vour òrbetbèrk n va sproch ont kultur, kursn, kulturaltrèffen. Ver sèll as keart der programm ver de nochrichn



lettratt BKI

en de minderhait sproch, abia u'ganommen en de leiste Konferenz van Minderhaitn, s sai' kemmen vourtschbunnen ver en doi jor en gònzn 403.248,72 euro. Pet en doi paitrog barn kemmen zuazolt projekt gamòcht van kulturinstitutn pet en zil za lòngh kennen de lokal sproch. Zan paispil, de doi sait, de zaitschrift, de nochrichen en television ont òndra projekt as

kearn um en de bèlt van mass media. Der zil van doin projekt ist za meing lisnen ont lesn de nochrichn ont sèll as passiant en de aigene sproch.

LORENZA GROFF

S beirterpuach:
de nochrich: *informazione, avviso de paitrog: contributo de Provinzajunta: Giunta provinciale*

Der bando ver de regiar va de bait birtshaiser en Palai en Bersntol

De provinzajunta hòt garo u'ganommen de bando ver za tschernen der koordinatör van nèt va de bait birtshaiser va de Gamao' va Palai en Bersntol. Der doi bando kimm no en projekt "De kròft va de minderhait: bideragea' van a dorf as taitscha burtzn hòt unter en de Alpn", zuazolt van PNRR - Mission 1, Investment 2.1 "Schea'nekait van derver". Pet en doi projekt sai' kemmen ausgarichtet òlta paun ont hittn ont iaz mòcht men an tritt envire za suachen an koordinatör as bart regiarn de doi nèt. Der Asesor Failoni hòt gadenkt as pet en doi bando mòcht men an tritt envire keing an nain modell van unterkunft as guat ist za gem bèrt en de identitet va Palai en Bersntol ont van gònze Bersntol. De bait birtshaiser ist an bichtegen kail ver za gea' keing en vortgea' van lait ont ver za gem naia meglechkaitn, asou za leing en nèt de pahalter



van haiser, va de kultur ont va de lokal gamao'schòft. Ber as de òrbet kriang bart, bart reklam mòchen ont regiarn de nain hittn, ont bart anschlusspunkt sai' ver en lokal turistesen nèt ont bart hèlven za stelln vour s

lònt avn mòrk en an oa'nege ont kompetitiven vurm. Der bart derzua a baita òrbet va turistesen marketing tea', as guat ist za pintn zòmm de birtshaiseròrbet pet sèll as men vinnt en plòtz bou as men geat. En doi kontest bart s moglech

sai' aupaun integriartn dinstn ont lempackler, asou za gem bèrt en de ausònderkaitn van lònt ont va de lokal gamao'schòft. De pahalter as kemmen vernaieret gèltsgott en de òllgamao'paitrong barn kemmen galeik en de bait birtshaiser sistem ver mindestn zeichen jor, asou za meings nutz en de zait ont meing gem a stabilitet en de turistikopfer. Der bando bart en a kurza zait galeik kemmen as de istituzional internetsait va de Autonome Provinz va Tea' ont de vrong barn meing kemmen vourstellt van mitta as de 25 van merz finz zamitto va de 30 van oberel 2026. S barn kemmen tschèrt de vrong durch an òllgamao'prozedur, de barn kemmen tschatzt van a kommission as vour hòt technische ont birtschòft kritern.

S beirterpuach:
de regiar: *il coordinamento de bart birtshaiser: ospitalità diffusa*

Der nai kurs "Officina imprenditoriale"

S ist garo u'pònk en kurs ver lait as hom kloa'na ditte ont as belln se verpesser der regiar ont de òrbet. Der kurs bart se hòltn zbischn merz ont moi ont kimm gamòcht ver za hèlven de lait za verpessern de komunikazion, za gem strumntn ver za verstea' abia as men organisiart de òrbet, abia as men leik an prais ont asou envire. ER kimm gahòltn va de TSM - Trentino School of Management. Der kurs ist toalt en drai toaln ont òlla de trèffen barn se hòltn en Palai. Dòra barn kemmen organisiart dreai seminar online. S earste toalt ist sèll van gèlt ont van dokumentn. S zboate toalt ist

gamòcht ver za verstea' abia as men verkaft, abia as men leik der prais, abia as men mòcht verstea' en de lait der bèrt van an produkt ont asou envire. S dritte toalt ist tsbunnen ver za gem en de toalnemmer elementn va de komunikazion. S earstre trèff hòt se gahòltn en Palai en vouter vraitn ont en vouter sònsta. Dòra, der sèll as de strategi za verkaven, bart se hòltn morgn. Dòra, de seminar online as barn sai' as de 9, as de 15 ont as de 22 van oberel. Der leiste trèff as de komunikazion bart se hòltn en vraitn as de 8 ont en sònsta as de



9 van moi. Der doi projekt ist a toalt van projekt "De kròft va de minderhait: bideragea' van a dorf as taitscha burtzn hòt unter en de Alpn",

zuazolt van PNRR - Mission 1, Investment 2.1 "Schea'nekait van derver".

LORENZA GROFF

Laicht digital: de online seminar

S kemmen bider organisiart de online seminarn asn tema van laicht digital van projekt "Laichtn digital punkt". Der projekt, offt en òlla de lait, kimm envire trong va de Autonome Provinz va Tea' pet de zòmmòrbet va TSM - Trentino School of Management, ont hòt abia zil der sèll za versterchern de digitalkompetenzn van trentiner. Pet en doi projekt bellet men omport gem en de vrong van utentn as belln bissn, zan paispil, abia as men kònn se schitzn van online steln oder abia as mu hèlven hèlven de artifzial intelligenz en lem va òll to oder nou, de beiln rèchtn ont bos as men miast tea' benn as men praucht de digital technologie? De nain seminar barn u'vòngen en eirta as de 14 van oberel 2026, pet an trèff ver de onlinesteln ont en de moglechkaitn za prauchen ver za schutz se. Dòra an òndern trèff as de 12 van moi ver za klòffen va Artifzial Intelligenz, as de 16 van prochet ver za klòffen va digitalstòttkear ont der leiste as de 23 van prochet ver za klòffen va TreC. Òlla de trèffn barn kemmen gamòcht va um vinva finz um secksa nomitto. Sechen de seminar, van aigene PC oder smartphone, ist vrai ont umensist, ober men miast se innschraim. Do òlla de nochrichn ver za schraim se inn ont toalnemmen: <https://www.tsm.tn.it/attivita/punto-digitale-facile-seminari-online-2026/>.

S bersntoler kulturinstitut suacht mitòrbeter

S hàt bail finz ait za mitto ver za nemmen toalt en de selezion van Bersntoler Kulturinstitut. S Kulturinstitut hòt ausgaleik der bando ver za vinnen mitòrbeter ver de sitzn van Bersntoler Museum. Men suacht lait as viarn de pasuacher en de museen ont en òndra trèffen as barn organisiart haier. Ver za nemmen toalt, mias men hom almen òchtzen jor, hom der auto ver za meing gea' as de òrbet, kennen òndra sprochen ont hom de meglechket za òrbetn va moi pis en schanmikeal ont nemmen toalt en kurs organisiart ver de viarn van Bersntoler Kulturinstitut. En de vrog, de kandidatn mias leing òlla de titln as se hom: de schual, de sprochen, de kursn ont òlls sèll as mechet bichte sai' ver de doi òrbet. Dòra mias men gea' za klòffen pet de referenten van Institut as barn mòchen de graduatoria, vour de 10 van oberel. De enteressiaretn meing ogem oder schicken de vrog ont de dokumentn en sitz van Bersntoler Kulturinstitut.